



REPUBLIKA E SHQIP
KËSHILLI KOMBËTAR

Vendimet e K.K.U

Nr. 1, 2, 3

datë 09.01.2003

V E N D I M

Nr. 1 Datë 09.01.2003

MBI SHFRYTËZIMIN E ZHAVORREVE DHE RËRAVE NË SHTRETËRIT E LUMENJVE

Në mbështetje të neneve 6,20 dhe 70 të ligjit Nr. 8093, datë 21.03.1996 "Për Rezervat Ujore", si dhe mbështetur në studimin e kryer nga ITNPN dhe SH.GJ.SH. mbi bazë të Urdhërit të përbashkët të katër Ministrave, me propozim të Ministrit të Rregullimit të Territorit dhe Turizmit, Këshilli Kombëtar i Ujit

V E N D O S I :

1. Shfrytëzimi i zhavorreve dhe rërave në shtretërit e lumenjve, në çdo rast do të bëhet vetëm atëherë kur, nga institucionet e specializuara studimore dhe projektuese në fushat e hidraulikës, hidroteknikës, hidrologjisë, tokave, pyjeve, mjedisit etj, të jenë realizuar studimet dhe projektet e nevojshme për shfrytëzimin e zhavorreve e rërave dhe rehabilitimin e zonave që do të shfrytëzohen, si dhe nën monitorimin e vazhdueshëm të autoriteteve të ujit.
2. Të lejohet shfrytëzimi i zhavorreve dhe rërave në segmentët e shtretërve të lumenjve ku, sipas studimit të kryer nga Instituti i Teknologjisë Nxjerrëse dhe Përpunuese të Mineraleve dhe Shërbimi Gjeologjik Shqiptar, ka depozitime të zhavorreve dhe rërave, shoqëruar me anën grafike.

Baseni Drin- Bunë

* Në lumin e Drinit ,në zonën 500m nën urën e Spatharës deri në Bërdicë.

* Në lumin Buna

* Në lumin Kir

Baseni Mat

* Në lumin e Matit në këto zona:

-Zona ku bashkohet lumi i Fanit me lumin e Matit deri në 500m në afërsi të Urës së Zogut.

-Zona nga ura e Milotit (500m, pas urës së autostradës) deri në fshatin Gurzë.

* Në lumin e Fanit ,në zonën 500m nën urën e Rrëshenit deri në bashkimin e tij me lumin e Matit.

Baseni Ishëm- Erzen

* Në lumin Erzen,rreth 1.5 Km mbi Urën e Peshkatarit deri ne rrjedhën e sipërme ku lumi Erzen takohet me lumin e Zallit (Krrabë)

* Në lumin Erzen, në zonën mbi rezervuarin e Skoranës

* Në lumin Tërkuzë, në zonën mbi rezervuarin e Bovillës

Baseni Shkumbin

* Në lumin Devoll gjatë gjithë rrjedhjes së tij.

* Në lumin Shkumbin ka depozitime zhavori dhe rëre në të gjithë gjatësinë, përveç zonave të përcaktuara në pikën 3 të këtij vendimi.

Baseni Seman

* Në lumenjtë Seman, Osum ka depozitime zhavori dhe rëre në të gjithë gjatësinë, përveç zonave të përcaktuara në pikën 3 të këtij vendimi.

Baseni Vjosë

* Në lumin e Vjosës ka depozitime në këto zona:

-Zona e Dragotit, nga fshati Dragot deri në bashkimin me lumin Drino.

-Zona e Majkoshit pas derdhjes së lumit të Bënçës në Vjosë dhe deri në lumin e Damsit.

-Zona e Qesaratit, sidomos intervali nga meandrimi i Qesaratit deri në grykën e proit të Krasit.

- Zona e Poçemit deri 500m mbi Urën e Mifolit.

* Në lumin e Shushicës, në zonën nga Kota deri në bashkimin me lumin Vjosa.

* Në lumin Drino, në zonën nga Rezervuari i Viroit deri në rrjedhën e sipërme.

* Në lumin Bistricë në zonën e Mesopotamit dhe në lumin Kalasë, gjatë gjithë rrjedhjes së tij.

3. Të ndalohet shfrytëzimi i zhavorreve dhe rërave për një periudhë disavjeçare në shtretërit dhe segmentet e këtyre lumenjve:

- a) Në lumenjtë Ishëm, Tiranë, Drojë, Zeze.
- b) Në lumin Erzen:
 - Në zonën 1.5 km mbi urën e Peshkatarit e deri në derdhje në det.
- c) Në lumin Seman:
 - Në zonën e fshatit Veri përballë Marinzës
 - Në zonën afër urës së Kuçit.
- d) Në lumin Osum:
 - Në zonën 500m mbi Urën Vajgurore e deri në bashkimin me lumin Devoll ;
 - Në zonën e banuar të qytetit të Beratit.
- e) Në lumin Shkumbin:
 - Në zonën e Elbasanit;
 - Në zonën 500m mbi urën e vjetër të Rrogozhinës e deri 500m nën urën e Re (të autostradës).


4. Për lumenjtë që nuk janë përfshirë në studimin e kryer nga I.T.N.P.M. dhe SH.GJ.SH, shfrytëzimi i zhavorreve dhe rërave në shtretërit e tyre do të bëhet për çdo rast pasi të ketë përfunduar studimi përkatës.

5. Lejet e shfrytëzimit të jepen sipas kërkesave të ligjit Nr. 8093, dt.21.03.1996 "Për Rezervat Ujore" dhe procedurave të miratuara nga Këshilli Kombëtar i Ujit.

6. Autoritet e Ujit, në bashkëpunim me institucionet shkencore, të bëjnë monitorimin e përvitshëm të shfrytëzimit të shtretërve të lumenjve.

7. Ngarkohet Ministria e Rregullimit të Territorit dhe Turizmit, Sekretariati Teknik i Këshillit Kombëtar të Ujit dhe Autoritetet e Ujit për zbatimin e këtij vendimi.

Ky vendim hyn në fuqi menjëherë

**KRYETARI**
FATOS NANO